

BOSNA I HERCEGOVINA  
FEDERACIJA BOSNE I HERCEGOVINE  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA  
Broj: T04 0 KT 0058274 24  
Zenica, 22.01.2025. godine

OPĆINSKOM SUDU U ZENICI  
Sudiji za prethodno saslušanje  
ZENICA

Na osnovu člana 45. stav 2. tačka i) i člana 241. stav 1. Zakona o krivičnom postupku F BiH, podižemo

### OPTUŽNICU

Protiv:

M. I., neosuđivan,

što je:

dana 28.04.2024. godine, oko 18:15 sati, u Z, u ulici ..., u neposrednoj blizini [REDAKTIRANO] Z., upravljajući putničkim motornim vozilom marke „[REDAKTIRANO]“ registarskih oznaka [REDAKTIRANO] krećući se ulicom ... iz pravca [REDAKTIRANO] Z. u pravcu raskrsnice ulice ..., koja se proteže iz pravca naselja C. u pravcu naselja K., te dolaskom do navedene raskrsnice ugrozio javni promet, tako što je vozio neoprezno i nedovoljno pažljivo, jer je suprotno odredbama člana 130 stav 4. i člana 49. stav 1. Zakona o osnovama sigurnosti saobraćaja na putevima u BiH, nije zaustavio svoje vozilo niti je postupio po saobraćajnom znaku „[REDAKTIRANO]“ nego se uključio u ulicu ..., skrenuo ulijevo u pravcu naselja K., prethodno se ne uvjerivši da to može učiniti bez opasnosti za druge učesnike u saobraćaju, iako je bio svjestan da svojom vožnjom može tako ugroziti javni promet da dovede u opasnost živote ljudi ili imovinu većih razmjera, ali je olako držao da do toga neće doći ili da će moći spriječiti, jer se u tom momentu u ulicu ... iz pravca naselja C. u pravcu naselja K. brzinom od oko 67,62 km/h kretao motocikl marke „[REDAKTIRANO]“ registarskih oznaka [REDAKTIRANO], kojim je upravljao P.E., istom oduzeo prvenstvo prolaza, zbog čega je došlo do kontakta prednje strane motocikla „[REDAKTIRANO]“ i zadnjeg dijela vozila „[REDAKTIRANO]“, uslijed čega je došlo do pada motocikla „[REDAKTIRANO]“, kojom prilikom je vozač P. E. zadobio teške tjelesne povrede u vidu preloma ključne kosti u dijelu ramenog nastavka i nagnječenja desnog stopala,

dakle, iz nehata, kao učesnik u saobraćaju na putevima, koji se ne pridržava saobraćajnih propisa, ugrozio javni promet da je doveo u opasnost živote ljudi, uslijed čega je jedno lice zadobilo teške tjelesne ozljede,

čime bi počinio krivično djelo teška krivična djela protiv sigurnosti javnog prometa iz člana 336. stav 3. u vezi sa članom 332. stav 3. u vezi sa stavom 1. KZ F BiH.